



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ephesini Concilii Generalis Pars III. Sub Cælestino papa I. anno CCCCXXXI.

Parisiis, 1644

Quid est Jesus? Cap. III.

urn:nbn:de:hbz:466:1-15241

ANNO
CHRISTI
431.

Interpretatur autem Emmanuel, *Nobiscum Deus*. Confitemur autem fuisse nobiscum Dei Verbum, non localiter (in quo enim loco non est Deus, qui implet omnia?) nec quod adesse nobis conspicitur auxilii ratione (dictum est enim hoc modo ad Iesum: *Et sicut eram cum Moysse,* Iosue 7. *ita ero & tecum*) sed quod factus est in nostris, id est, in humanitate, non derelicta natura sua. inconuertibile est enim natura Dei Verbum.

Ceterum quam ob causam, cum plene dicitur ad Iesum, quod Sicut eram cum Moysse, sic ero tecum, non est nominatus Emmanuel? Ipsa autem ratio sit, * etsi cum alio nescio quo sanctorum fuisse dicatur. Ergo nobiscum factum esse dicimus Deum Verbum eo tempore, quo dicit Baruch: *In terra visus est, & inter homines conuersatus est, & omnem viam inueniens disciplina, & dans eam Iacob puero suo, & Israel dilecto suo. Ipse est enim Deus noster, & non comparabitur alius ad eum.* Baruch. 3.

Οσον μὲν ἦεν εἰς τὸ εἶναι θεός κτ' *Et quantum quidem ad Dei naturam pertinet, non erat nobiscum. multum enim inter- est inter diuinitatem & humanitatem, & ingens est nimis differentia naturarum.* Philipp. 2.

Denique etiam diuinus Dauid ad proximitatem mysticam scilicet, Deum Verbum quod nondum ad nos venerat vocabat, dicens in spiritu: *Vt quid Domine discessisti longe, despicias in opportunitatibus, in tribulatione?* Ergo non iam longe discessit, sed nobiscum fuit. Qui cum mansisset id quod erat, apprehendit Abrahamæ semen, ut dixi. Hebr. 2.

Acceptit autem etiam seruiformam, & conspectus est homo in terra, Christus vere & Emmanuel, eundem nobis Filium designans; partim quia vnctus est more nostro, humane hominis naturæ spiritum accipiens, ut in seipso & primo; positus est enim primordium generis; rursus ut Deus, ipse est vngens sancto Spiritu eos qui in se credunt: partim quia fuit nobiscum secundum quas modo reddidi rationes, & in eo nos facit certos Isaias propheta, dicens: *Ecce virgo in utero accipiet, & pariet filium, & vocabunt nomen eius Emmanuel.* Isa. 7.

Cum enim sancta Virgo ex Spiritu quidem sancto prægnans esset facta, peperit autem secundum carnem Filium, tunc etiam Emmanuel dictus est. Fuit enim nobiscum per carnalem generationem incorporalis, & id erat quod per vocem Dauid significabatur: *Deus manifeste veniet, Deus noster, & non silebit.* Et illud opinor: *Ipse qui locutus sum, præsto sum.* Locutus enim per prophetas, ut incorporale adhuc Verbum, aduenit etiam corporaliter. Psal. 49. Isa. 52.

Quid est Iesus? CAP. III.

VI quidem intentionum, quia oporteat a nobis vnum dici Filium, tantumdem est & Christus, & Emmanuel, & Iesus, & idem vero quasi ex re nomen est factum: *Ipse enim saluabit populum suum a peccatis eorum.* Quemadmodum enim τὸ Emmanuel significabat per generationem ex muliere nobiscum factum fuisse Dei Verbum; & Christus porro, quia factus homo, vnctus dicitur iuxta Math. 1.

nos humane; ita etiam Iesus, quod saluauit nos, id est, suum populum, quod maxime eum demonstrat Deum vere, & natura omnium Dominum. Neque enim hominis communis creatura esse dicatur: deceat autem magis omnia dicere esse Unigeniti, etsi factus sit homo. Dicit fortasse aliquis: Ad quid Moysis dictus est populus Israel? Ad hoc dicimus, quod Dei quidem populus nominatus sit, & id erat vere: verum quoniam ad defectionem deductus est, & vitulum fecit per desertum, inhonoratus est a Deo. Non enim suum nominare populum dignabatur, sed eum iam homini destinauit. At nos non ita. proprii enim sumus Filii, eo quod & Deus sit, & per ipsum creata sunt omnia. Ita enim ait David: *Quoniam ipse fecit nos, & non ipsi nos: nos autem populus pascuæ eius, & oves manuum eius.* Denique etiam ipse de nobis dixit: *Oues mee vocem meam audiunt, & sequuntur me.* Rursus: *Et alias oves habeo, que non sunt ex hoc ouili, & illas oportet me congregare, ut fiat unus grex, & unus pastor.* Mandabat autem etiam beato Petro: *Simon Joannis, amas me? Pasce agnos meos.*

Quam ob causam homo dictum sit Dei Verbum.

CAP. IV.

Citatur hic locus a S. Leone papa in epist. 97. ad Leonem imp. & lectus fuit in Cœc. Calched. act. 2. in fin.

1. Cor. 15.

Ioan. 3.

Ioan. 8.

Ibid.

Ioan. 3.

HOMO nominatus est, cum sit natura Deus, Dei Patris Verbum, quoniam similiter ac nos carni communicauit & sanguini. Sic enim terrenis apparuit, non amittens id quod erat; sed assumens *humanitatis naturam in sua ratione perfectam. Verumtamen & in humanitate Deus remansit, & omnium Dominus, * utpote naturam & veritatem ex Deo Patre sortitus. & id nobis euidentissime sapientissimus Paulus ostendit: *Primus enim, inquit, homo ex terra de limo, secundus de celo.* Atqui Virgo sancta peperit templum Verbo vnitum: sed de celo dicitur, & recte quidem, Emmanuel. desuper enim & ex substantia Dei & Patris natum est Verbum ipse: descendit vero ad nos tunc, cum factus est homo, tamen sic quoque desuper est. Testatur autem Ioannes de eo, dicens: *Qui desursum venit, super omnes est.* Et ipse Christus etiam ad populum ait Iudæorum: *Vos de deorsum estis; ego de supernis sum.* Et rursus: *Ego non sum de hoc mundo.* Licet pars mundi, sicut homo, nuncupatus sit; sed erat cum hoc quoque supra mundum, ut Deus. Meminimus enim plane dicentem: *Et nemo ascendit in celum, nisi qui descendit de celo, filius hominis.* Descendisse autem dicimus de celo filium hominis per vnitatem dispensatoriam, Verbo tribuente propriæ carni gloriæ suæ & diuinæ maiestatis claritudinem.

ΑΝΘΡΩΠΟΣ ἀνόμασαι, καὶ τοὶ κατὰ φύσιν ὑπάρχον θεός, ὁ ἐκ θεοῦ πατρὸς λόγος, ὡς μετρητικῶς αἵματος καὶ σαρκὸς ἀραπλησίως ἡμῶν. ὡφθη γὰρ οὕτω τοῖς ἐπι γῆς, καὶ οὐ μὴδὲς ὄψιν ἡμῶν, ἀλλ' ἐν πρῶσλήψῃ γενεῶν ὡς πῶς καὶ ἡμᾶς ἀνθρώποισι, τελείως ἐχρύσης καὶ ἴδιον λόγον.

* humanitatem nostram,

* ut qui natura & veritate ex Deo creatus & Patre.